

石雲山人文集

石雲山人文集卷四

墓志 祭文 壽文

南海吳榮光伯榮

皇清誥授光祿大夫兵部右侍郎加二級實坡溫公墓

誌銘

道光建元之歲在籍兵部右侍郎順德溫公以母服除  
趨赴

闕廷正月初五日舟次江西之吉安卒春秋六十有七  
遺摺入

上諭曰前任侍郎溫汝适前在尙書房行走有年茲服

闕來京在途溘逝殊堪惻恤伊子舉人溫承悌着加恩  
賞給進士准其一體殿試越歲癸巳將卜葬承悌以

榮

光與公素姻契請爲誌墓之文

榮光

於公爲姻後進亦

爲館後進故得同官京師與公相處十餘年知公問學  
之粹忠孝之備其敷歷所及凡有裨於國於鄉者無不  
篤槩竭盡而一本之以誠也公官二品其生平事業有  
國史在茲僅誌其所見所聞者公以嘉慶元年赴京補  
編修官踰年入直上書房侍 皇子讀書多所啓沃未  
幾擢贊善遷洗馬凡九遷至兵部右侍郎

朝中有正人之目

仁宗睿皇帝御極二十五年登閤上理誕訪民隱公每當對語多秘外人不得而知也猶憶乙丑之秋粵東海盜入擾內河順德香山沿海村落多被搶擄傳聞都下

榮光

時爲御史首摺陳之越日公臚其事上

詔取

榮光

摺覆視屢

敕置吏嚴辦而兩縣之民以安於戲

先帝宵旰勤求不遺微末而公之忠誠上格亦類如是也厥後暎咭喇夷人竄入內地及洋盜刦掠等事公一

不  
言  
山  
人  
文  
集  
卷  
四  
二  
一  
剴切摺陳粵人知其事者多誦之讞案淀津及山左  
懲強禦戢奸宄而未嘗多所操切燕趙齊魯之民亦多  
誦之吾粵南海順德接壤有桑園圍以障西江之水水  
大則防屢潰公一請於巡撫朱文正相國珪廣勸邑人  
輸貲築隄再請於總督蔣協揆攸錫借

帑金八萬兩發商生息以爲歲修資至今民廬田舍咸  
利賴焉其於

國於鄉可謂無遺瘁矣公之官京師也偕其同母弟光  
祿寺典簿汝遵奉母任太夫人就養京邸十餘年如一

日退食之暇每拜

尙方珍賜貂緞果物之屬歸博母歡逮歲甲戌任太夫人年逾八旬思念鄉土公以二月陳情終養並奏明俟秋涼取道運河回粵蒙

召見慰諭以侍奉汝母平安抵家可專摺具奏屆行復蒙

召對

溫諭有加抵家專摺報聞嗣以丁任太夫人憂三年積哀成弱病中驚聞

先帝升遐感

恩戀

闕力疾首塗至吉安病革謂其子承悌曰余竟不能仰  
酬

高厚矣遂卒其忠孝性成至老不懈如此公生有異質  
風度端凝無疾言遽色居恒寡交游簡酬應然遇端人  
正士則延接終日無倦容其學一本於大興朱學士筠  
及文正相國又常從翁閣學方綱紀協揆昀游得以互  
証經史異同得失肆力於詩古文詞論文一以清真雅

正爲本生平無他嗜好獨耽吟咏自承明著作外其奉  
皇華扈

清蹕足跡所歷東經泰岱北度長城南泝牂牁西陟雲  
棧凡山川草木風土人情悉寄於詩歷典廣西四川山  
東三省鄉試得士爲盛如通政使張鵬展巡道朱桓左  
副都御史韓鼎晉其尤著也督學陝甘行部所及屏絕  
供應以甘肅僻遠少藏書家捐廉廣購經史諸書善本  
置書院中俾多士得資考據其去任也送者幾遍道路  
非公問學之粹其能及人如是乎公諱汝适字步容號



寶坡乾隆庚寅舉人甲辰進士改庶吉士授編修歷官  
詹事府左右贊善司經局洗馬充 日講起居注官翰  
林院侍講侍讀詹事府左右春坊庶子國子監祭酒太  
僕寺卿都察院左副都御史兵部右侍郎加二級授光  
祿大夫曾祖敬甫祖天詔父賢超皆以公貴贈如公官  
曾祖妣某祖妣某妣某皆贈一品夫人生母任封一品  
夫人配李沈童皆贈一品夫人子三長承悌嘉慶丙子  
科舉人

欽賜進士次承昕承霽先公卒女一適吏部員外郎大

興邵葆祺之子廩生邵揚名公所著有曲江集考証二  
卷曲江年譜一卷攜雪軒詩鈔八卷文鈔三卷咫聞錄  
二卷韻學紀聞二卷銘曰

鳳山東屏龍江西津鍾英毓靈誕此良臣惟此良臣金  
貞玉粹恂恂 胄筵便便經笥繪我粉米我贊我襄衛  
我桑梓我隄我防彙我茅茹我明我揚絕我苞苴我紀  
我綱

三朝聖明莫或不農

帝念有母爰錫爾類許爾陳情慰爾歸志公拜稽首涕

演交至何期七載

蒼梧雲闕公魂在天左右

九閭不懈其忱不替其

恩

新恩之賁貽爾後昆貽爾後昆視此墓門

重修詩人梁藥亭先生故墓碑記

詩人之筆茹古涵今抑浮振靡裁僞體親風雅嗶嗶厥  
聲以鳴其盛鄉黨僚友翕然宗之而身世輶軻間關南  
北至老始一遇詩人之才上下千古采芳草弔美人原  
本忠孝發抒胃臆使其登明堂薦郊廟必能黼黻張皇  
爲一代制作乃一遇之後遽歸田里放浪山水寤寐嘯  
歌瀟灑日月百年而下讀其書過其墓者僅以詩人目  
之嗚呼悲矣吾粵詩人南園五子之後繼以梁陳屈三  
家陳屈未用於世不具論若藥亭先生者固我

不與山人共  
卷四  
大  
清景運初開拔起之才非有嫌於徵遺訪舊名節可  
議者也又非有如前明之媚賢嫉能立朋黨角門戶使  
不得伸其志者也乃年六十而始遇遇而卽歸何也夫  
人負著作才際

休明運歷高科躋省闈孰不願爲中天慶景朝陽梧桐  
况同時詩人如南施北宋及新城王尙書俱以文章特  
達置身通顯政事蒞然可傳然猶曰早達也後此長洲  
沈文愨公六十後入翰林與先生同一晚遇而優游清  
要喜起賡歌垂十數年然後乞身林下何先生與此數

人者同抱其才而不能同盡其才也雖然先生之詩固在也先生之才固在也則先生之所以爭千古不爭一時者亦固在也榮光過五羊城隅海風乍寒里巷雜還詢先生故居遺裔零替無一知者出北門登柯子嶺訪先生邱墓惟見夕陽歸鳥斷梗荒烟而問其遺集則家戶猶能誦之不置嗚呼先生之所以爲先生者乃止此夫先生姓梁氏諱佩蘭字芝五號藥亭南海人順治丁酉解元康熙戊辰進士改庶吉士生於前明崇禎己巳年十二月卒於

國朝康熙乙酉年三月春秋七十有七著有六瑩堂詩集並前後文集各若干卷道光丙戌鄉人訪得其墓傷其久而圯也劇金重脩謹爲論記且系以銘銘曰

冷月荒樹大海孤村先生之詩先生之魂孰推其轂孰考其槃先生之魂駕鶴騶鸞鸞翔天門鶴歸雲岵先生之詩出膏處涿靈洲之陽胥江之陰冥冥先生千載高深

誥封一品太夫人溫母任太夫人墓誌銘

嘉慶十九年秋吾粵順德少司馬溫公

汝適

以其母任

太夫人春秋逾八十請於

朝奉養歸里鄉之人無智愚者齟齬盱眙歎息謂

聖天子教天下以孝又值

太平無事之日故重臣得優游子舍遂其烏私因以推

太夫人德備福全如此其盛也越五載太夫人卒又越

三載司馬公卒遺命請

榮光

誌墓道光六年七月太夫

人之孫承悌以窀穸有期來請

榮光

於太夫人之姻連



當子姓行官京師二十年嘗造謁得預分甘之列內行  
旣稔義不敢辭謹案太夫人姓任氏南海西樵鄉人幼  
而明慧嗜善若渴年二十歸事贈光祿大夫義窗公於  
嫡能順於姑能孝嘗侍其姑區太夫人習聞先世慈儉  
事舉以訓子婦曰易言積善餘慶昔汝曾祖惺菴公有  
活嬰之德汝祖適齋公敦睦族之誼汝父踵而行之月  
有粟歲有助族中孤寒賴以成立者甚衆蓋至是五十  
餘年矣吾見汝家衣不華縵食不厚味一燈紡績動至  
宵分而於恤孤賑貧之事未嘗少靳汝父終鮮兄弟晚

而子孫蕃衍汝等又得以居高位食厚祿能不思其所  
自與嘉慶初元義窗公喪葬事畢服旣闋太夫人攜司  
馬公兄弟之官京師就養司馬公由翰林陟卿貳前後  
入直 上書房每拜羽扇香囊細葛豐貂白金文綺瓜  
果麇鹿之

賜歸偕其弟佐色養太夫人必勗以夙夜在公毋忘敬  
慎司馬公典鄉試者三督學者一奉

命讞獄者一太夫人又必勗以惟公能明毋負

委任當太夫人之就養京邸也帷帟雍容子姓環立太

夫人晨起盥櫛竟或披覽圖畫或撫植花木或品新茗  
或觀游魚暇則含飴弄孫以自娛樂越十有餘年時俗  
雙陸采頁之戲一切屏絕謂非閨閣所宜蓋其心性安  
和襟懷恬澹如此於戲太夫人之德之福所以及身而  
貽後者豈有艾耶太夫人生於雍正十年九月初九日  
卒於嘉慶二十三年某月某日壽八十有七以司馬公  
貴

誥封一品太夫人生子二人

汝適

甲辰進士由翰林院

編修官至兵部右侍郎

汝遵

監生官至詹事府主簿孫

三人承悌丙子舉人

欽賜進士現官翰林院庶吉士承昕承霽俱先殤女子

三人一適內閣中書前翰林院庶吉士香山鄭應元一

適南海附貢生吳

澤運

卽

榮光

叔父也一適香山貢生

劉源潤例附誌末且系以銘銘曰蓬萊右股篤生賢母

慈悲從心組紉在手婉我郝鍾式我顏柳巍巍賢母惟

禮之宗流徽輦悅瞻懿而僮崇儉戒靡以保鼎鐘述祖

有訓垂於煒彤垂於煒彤

天錫百祿起居八座婆娑老福母則受之邕邕肅肅綠

野子舍青燈臣家四代門才九秩歲華母其歸兮貽厥  
孔嘉貽厥孔嘉山清水遐

皇清誥授資政大夫鴻臚寺少卿前翰林院侍讀學士

德清蔡公墓誌銘

道光十有四年甲午冬余述職京師得德清蔡公之訃  
哭於寢曰於戲善人吾不得而見之矣越歲乙未春其  
子延仁郵書至楚南以余事公久知公深葬公有日請  
誌其墓公之始生也其祖夢閱登科錄醒而記其有名  
麒麟辰者遂名公曰之定字曰麟昭麟性仁厚故公以  
甲科起家爲名臣敦善不怠以竟其身也年旣冠邑郡  
院試皆第一名補博士弟子員文名遍海內入翰林後

充

純廟實錄總纂官敬謹詳慎戴星出入無閒寒暑稿本  
上總裁有議改者公曰某官可去某筆不可改也議者  
終不能易嘉慶九年

睿皇帝幸翰林院公以司業與宴賦詩拜

御集杜詩硯絹之

賜嘉慶庚申辛酉兩爲順天鄉試同考官乙丑己巳爲  
會試同考官癸酉出爲河南鄉試主考得士爲盛如毛  
君樹棠吳君其泰曹君宗瀚程君家頌其尤著者四方

從學如余座主吳侍郎烜及陳侍郎用光祝學士慶蕃  
和侍郎桂麟河督慶魏巡撫元烺果都統齊斯歡繼都  
統昌及榮光者難更僕數公山編修洊至學士兩充  
日講起居注官每逢

萬壽

巡幸諸大典奏御詩賦疊蒙

嘉獎優賚當是時也在朝諸老無論識與不識皆首推  
爲端人碩士乃以籌備

國家經費請行鈔法左遷爲鴻臚寺少卿公感念



先帝厚恩不加重譴陳力就列每當

壇

廟大祀丙夜而起日中而退如是者兩年積勞成疾具  
疏引退未竟其用當事者莫不惜之迄於今當事者尤  
莫不思之也公生有至性逮事父母起居飲食必躬必  
親兩當大事哀毀骨立附身附棺必誠必信建七世祖  
祠以合族爲六世祖支立後以承祀五服外孤寡無所  
歸者爲之養生送死家固寒素以筆墨自贍每歲除出  
游見有窶者暗納貲其門而去或展轉贈以衣袴受者

不知也一日過村巷聞有哭者問其鄰曰此家四口日  
飲糜一勺耳亟因鄰賙之戒勿言主者又一日方假寐  
有僕婦進丙伏竊阿堵物公覺趣起杖之曰汝夢魘耶  
衆請窮詰公曰余豈不知此婦服役有年若以竊逐人  
無雇者是絕其生也其子諒待人往往如此公踐履慈  
憇學問醇邃傍及書法與人交隱惡揚善不流於俗亦  
不忤於時有古師儒風自奉儉約不特殺而祭必備物  
余官京師過從值公退食脫粟一甌伊蒲兩盃戶外求  
書者屢常滿也及余陳臬浙江謁公第起居內堂子姓

環立動有禮法嘗謂西漢講藝稽同著作殫洽至東漢  
一變而爲躬行君子若陳仲弓郭林宗輩方之孔門弟  
子亦無多讓蓋公所自造者在有言有德也公所著有  
八箴草堂格言四卷隨筆二卷古今體詩四十卷經進  
詩文二卷奏疏二卷所居茗水一泓竹木森秀有池可  
釣有田園可游晚年禪悅益深嘗攜子姓乘小艇訪鄰  
僧偕野老徜徉竟日望者皆以爲神仙中人嘗語其子  
曰吾非好談因果惟并此而不信則人心不可問矣於  
戲此豈福田利益之求耶此豈清淨寂滅之教耶公服

官二十有三年優游林下二十年德澤所及善氣所迎  
入人深遠夫人嵇氏勤儉慈惠以儷其德先後告歿聞  
者莫不慟哭失聲也公生於乾隆十三年十二月十二  
日終於道光十四年九月初八日春秋八十有七夫人  
生於乾隆某年某月某日終於道光十年某月某日春  
秋若干公子延仁以道光十五年某月某日卜葬於某  
某之原爰列其系且爲之銘

系曰蔡氏始祖宋郡馬祕書郎學士諱源南渡後居德  
清十餘世而至公祖諱時馨雍正丙午舉人議敘知縣

父諱人龍庠生並贈資政大夫 日講起居注官翰林  
院侍讀學士妣皆贈夫人公諱之定字麟昭號生甫晚  
號積穀山人乾隆己亥舉人癸丑進士鴻臚寺少卿歷  
官翰林院庶吉士編修國子監司業司經局洗馬翰林  
院侍講侍讀詹事府右春坊右庶子 日講起居注官  
翰林院侍講侍讀學士授資政大夫配嵇封夫人子二  
長殤次延仁貢生以校對

純廟實錄議敘爲長蘆鹽大使陞知縣孫四汝瑚汝球  
汝璜汝琳曾孫森棟森柏森樑森楷

銘曰莫煦者春萬卉含英莫悅者澤百物遂生溫溫我  
公德量和平載物則厚感人以誠發爲文章實大且宏  
上都五瑞清廟六莖稷契日贊唐虞旦賡公兮亶亶含  
冲守貞一出輶車五掌文衡桃李公門衣蓋仙瀛以公  
觥觥何盛不鳴以公肫肫何政不成乃老三吳俾作五  
更化我鄉社正我宗祊範我廉恥全我孤孺越有內助  
祁祁珈瓔咸曰善人風流化行青弁山高碧茗水清公  
魂有知含笑九京德種人懷視此新塋子子孫孫永保  
令名

皇清誥授通議大夫戶部山東司郎中加七級葉君墓

誌銘

君諱夢龍字仲山號雲谷高祖諱振德由福建同安縣  
遷廣東南海遂爲南海葉氏曾祖諱興邦祖諱長青俱  
以君兄夢麟官贈資政大夫父廷勲加鹽運使銜封資  
政大夫廷勲生子三人君其仲也少性聰敏敦內行篤  
交誼事祖母父母咸得其權父以計然策起家君年十  
七以父病遂棄舉業而繼其業壯歲援例爲戶部主事  
升員外郎郎中官京師多與文人墨客交而職守彌勵

故長官有謹慎小心之目未幾引退嘉慶戊辰己巳間  
海寇入擾內地君白當事自以其意喻夷船防之寇卽  
解散人謂得大體交游有負貸力不能償者悉焚其券  
德者亦衆焉建葉氏家廟於省城之西關以合宗族修  
石磴於白雲山之證仙巖以利行路父墓故在山麓結  
廬於旁曰倚山樓刻像事之家居常手一編以補少時  
未竟之學又以其餘旁及金石書畫故藏弄尤富所著  
有風滿樓書畫錄貞隱園古篆法帖十卷友石齋集古

帖四卷



國朝名賢法帖六卷又刻其父梅花書屋詩鈔友聲集  
又校刊廣東通志一百三十四卷仁和李式穀五經衷  
要七十二卷及古本朝邑縣志武功縣志風俗通義林  
和靖詩集昭陵石蹟考君生於乾隆四十年三月十七  
日卒於道光十二年二月初一日春秋五十有八

誥授通議大夫戶部山東司郎中坐辦軍需局兼井田  
科事前戶部江西司員外郎候補主事加六級河工議  
敘加一級配黃氏封淑人先君卒繼配李氏封淑人子  
十有四應泰道光辛卯科舉人候補國子監典簿應階

監生先君卒應昌監生應時應超俱布政司理問職銜  
應新候補同知前詹事府主簿應霖應文應欣俱布政  
司經歷職銜應瞳先君卒應培應淙應鏜應畿孫四以  
道光十二年歲在壬辰合葬君於廣東省城大東門外  
聚龍岡黃淑人墓坐丙向壬兼午子之原君之第六子  
應新爲余子壻以墓誌來請憶君以乾隆甲寅歲承父  
命與余定交三十餘年知君頗悉君事親立身訓子睦  
族勤守禮法而操持穩練有任事才晚年所學亦進顧  
皆止部曹平時交游皆望君再出而竟已矣惜哉爰系

以銘銘曰

富而好禮孝以保祿君兮亶亶出處胥淑陔則采蘭阪  
則伐木籩豆無遠布帛有幅此才終老邱山華屋每每  
原田蒼蒼層麓俾爾後昆長膺多福

祭溫遂之

汝遂

別駕文

嗚呼余識公三十有餘年辱公之知日深而相見日淺  
不謂已訣公于十數年前也嘉慶戊午從公游南海觀  
日出盡拓神廟唐宋元諸碑以歸時余甫通籍公以碑  
中撰書人如韓文公崔清獻公相勸勉謂他日不如此  
無以見長者余官京師二十年公郵筒慰問猶前志也  
庚午余罷秩歸公來訪各出書畫互相辨難則瞪目直  
視曰汝爲言官尙有風骨當再出又越十餘年余官黔  
藩蒙

恩歸里省親公手書約相見已而不果迨昨歲戊子余在閩省奉先通奉之諱星奔而歸公約相見又不果今得公六月二十七日之訃而公已矣公明德華胄其兄弟若姪皆以科名馳驅

皇路至清要官公史事滿腹而不肯苟同於人經籍滿腹而不爲八股文字與試帖詩惟分擘風流瀟灑日月時作李息齋墨竹懷素草書以寄其歛衽磊砢之概嗚呼此公之所以不遇於時而終不沒於世也余前後哭公弟少彭中書竹堂典簿松巖署正于京邸又哭公兄

貧坡少司馬於福建道署寢門之外親知寥落每感平生而不若哭公之一往而深也余每得公墨竹題語淋漓滿紙茲者守墓荒山盡張素壁秋月乍頽四山竹影與壁上襍褻倘仿無數蛟蛇蜿蜒欲動忽有清風自西來者憬然曰公之神誠不可磨滅如是耶靈其來格或肯詹詹尙饗

葉雲谷農部誄

於戲鄭司農有言誄者積累生時德行然非相知之深  
相處之久恐舉小而遺大言浮而防要也君承先人命  
與余定交垂四十年余在京君兩官戶曹余三度歸省  
嗣奉先通奉諱君皆在籍把晤殆無虛日庚午余罷官  
知交疎散固余槩敦之未善亦微悟翟公所云交態者  
而君於余好倍篤嘗登君家風滿樓遙望水軟山溫雲  
飛烟滅相與听然而笑又余省親時有友人招余狹邪  
游余固不往試言於君君曰此非士大夫所爲也粵東

西關多巨族李燈之地章陟之厨雕幃錦幃自昔爲烈  
君家本贍而閨門之內動守禮法歲時聚族於祠則籩  
豆有嘉每旦詔子婦於庭則鞠脰維謹凡人所最易便  
安者君不少假借余重君之內行以女歸君第六子應  
新攜至湖南撫署及聞君訃應新夫婦每日慟哭失聲  
應新聞關奔喪南旋而余女以永桂兵阻未卽同行於  
戲非君之教而應新夫婦乃能至性篤切如是君病致  
書託子於余余謂君之子已自教之矣所稍紕者經術  
耳於戲得數輩如君者以式吾鄉人倫其庶有範哉余



與君知深交久用得盡其大且要者如此若夫君爲望  
郎屢見器於長官而未竟其用洎往來南北交海內名  
士寄情詩酒供養烟雲蓄書畫能鑒別此皆君餘事耳  
乃爲之謠曰君之身兮不留君之行兮何尤家道正兮  
福祿遭匪君兮誰修望山川兮深阻蹇懷君兮終古緬  
先民兮矩矱衆魚徐兮君卻固遺書來兮春風託愛子  
兮病中請君含笑於九泉兮余將策以貽令名於無窮  
於戲哀哉尙饗

祭戶部右侍郎程春海文

於戲天不欲使懷才蓄德之人見用於世則已天旣使  
其見用於世躋顯艷筦要樞中外屬其訐謨察察式其  
矩矱何不一慙遺而奪之若是之遽也公丁

盛時始以文章繼以忠節上結

聖主特達之知授簡抽祕雉雉麟麟拜手弼諧恣恣躬  
躬將不懈益虔以翊佐

郅治之崇隆故典 胄筵貳農部出持玉尺入總泉府  
恩命之加上方之錫殆不可以縷數焉公學究天人治

本經術無鄭之注賈董之筆章亥之奧符樞之窟靡不  
縱探其微退藏於密而天宇雍容谷懷靜謐見之者咸  
驚其才而欽其德方將宅采疇揆作股肱臣胡天不弔  
僅五十有三齡泐漠而歸神

詔書軫惜拳懷盡職

恩予任子以勵列辟耿耿盡臣備哀榮之極公交於余  
歲旅甲申泊於丙申之夏丁酉之春黔山餐勝都門論  
文每當上禎佳日高秋令辰澣露伸紙臨流攬巾契我  
以金石博我以典墳勉我忠孝之節匡我出處之身期

千秋之道義何四閔月而離分望公兮霄漢之上而炯  
然者倘復下照乎風塵於戲公之去爲

朝廷惜爲天下惜而不啻下走之灑老淚而哀呻也尙  
饗

先府君行狀

阮元填諱

府君諱濟運字崇階號和衷系出新會縣棠美邨吳氏十一世諱化龍號煦寰贈文林郎福建龍巖縣知縣明崇禎間徙居南海縣佛山鎮三傳至在野公諱振元南海縣學生贈文林郎湖南黔陽縣知縣府君之高祖也生三子季甸山公諱球縣學生封儒林郎候選州同生一子謙谷公諱維翰縣廩貢生候選州同贈通議大夫浙江按察使晉通奉大夫福建布政使生六子仲卽先大父玉堂公諱恒孚貢生議敘通判贈通議大夫浙江

按察使晉通奉大夫福建布政使配黃氏贈淑人晉夫人玉堂公生八子祖妣黃太夫人出者三爲大世父諱啓運監生福建浦東莆田下里場鹽大使二世父諱昇運貢生候選布政司經歷鄉飲正賓前浙江餘姚縣丞三世父諱澄運監生議敘按察司照磨出爲三叔祖監生諱信孚公後庶祖妣黃太恭人出者三爲六世父諱鴻運優貢生候選同知議敘知府八叔父名清運歲貢生候選訓導九叔父名澍運兩浙江南鹽運司經歷封奉直大夫布政司經歷加二級庶祖妣左太宜人出者

一爲十叔父諱澤運附貢生候選布政司經歷府君行  
七乃生祖妣封恭人贈淑人晉夫人易太夫人出也大  
世父官福建鹽場時與乾隆戊辰進士羅源知縣梁戢  
菴公諱翰定交遂稟命於先大父以戢菴公四女相攸  
府君乾隆庚寅吾母梁太夫人來歸越歲戊戌府君受  
知於學使李兩邨先生諱調元補邑博士弟子員旋試  
高等食廩餼由川楚例捐授教諭府君論制義一以先  
正大家爲宗謂代聖賢立言須心息相通默會神理嘗  
訓不孝等以聽題之法不屑爲搜奇逞博浮夸妨要之

文以此屢躋場屋卒不一遇先大父以勤儉起家府君  
於諸父中性尤勤儉爲大父所鍾愛大父在日易太夫  
人年幾五旬猶執家役府君與梁太夫人常往代之黃  
太夫人棄養早不逮事事先大父與易太夫人先意承  
志得其歡心丙午丁先大父憂哀毀骨立住宅湫隘適  
得西鄰隙地可拓數楹府君以宅乃先人所遺三年之  
內未忍更動語不孝等曰三年無改於父之道亦謂在  
所當改而可以未改者耳其孺慕之誠如此族自先大  
父以下五世同居子孫蕃衍性情不一府君恭兄友弟



慈撫羣季人無閒言先大父遺命以祖居大樹堂立祠  
祀曾祖以下三代顧絀於工費二十餘年未就府君晚  
年謂不及身而舉事必無成遂以丁丑歲首率弟姪輩  
釐遺欸貸所闕經營掄度半載而就廟貌恤穆籩豆孔  
庶昭穆以序與祀者咸感歎謂非府君之力不至此也  
曾庶祖妣黃氏有女而無子未祔祖祠府君爲之立另  
祠於祖祠後楹歲時並祀俾得所依其仁孝之備如此  
府君恬退虛靜不樂仕進嘗取宋周子語顏所居曰澹  
和堂曰澹吾恐未能和則庶幾勉耳居常慎交遊寡酬

應布衣蔬食泰然自得自養親課子外足跡不履公門  
尤畏接見達者不孝榮光官京外有年每當同年故交  
通家世好奉

差來粵及因公過境造訪者固謝弗見謂某君等以官  
事來固無請託亦當引嫌也其高介之性又如此不孝  
榮光應童子試九年未售不孝彌光應鄉試七次未售  
府君恐其急功名而圖倖進也嘗誡之曰汝等根器尙  
好非義之事斷不可爲順理則裕天或佑之猶憶不孝  
榮光應童試縣考時縣令某欲羅致門下使人謂若肯

私謁卽予批首府君峻拒之後抑置次等院考不售府君怡然謂之曰得失有命士人進身之始卽以干請他日何不可爲汝卽以布衣終勝青衿萬萬也不孝榮光奉守勿貳後得以翰林通籍官至今職不孝彌光及府君身竟不得一舉深負所期惟有長守府君不躁進不干時之遺教而已言猶在耳嗚呼痛哉歲壬子先妣梁太夫人見背二弟錫光年甫十五不孝彌光年僅四歲府君伉儷情摯環顧諸孤黯然神傷先是不孝榮光院考不售科場將屆有勸以納監應舉者府君不許而梁

太夫人適於八月十七日暴終維時榮光若應秋闈省城距鄉較遠出場後卽不克趕回侍疾視殮是府君默教榮光以孝也乃府君以孝教榮光今不孝榮光遠宦閩省當府君大事不能以事先太夫人者事府君則不孝榮光之罪擢髮難數矣昊天罔極嗚呼痛哉嘉慶丁巳二弟錫光將冠以癆疾卒其聘婦陳奔喪來歸守節府君尤憐之命爲二弟立主議嗣旋以擇愛未定是歲不孝榮光補縣學生戊午舉於鄉己未成進士入翰林歸省府君色喜誨之曰吾家入翰林自汝始汝學殖未

成當思勤汝業勵汝品仰答

聖慈高厚於萬一也及官御史又誨之曰人臣有身家之念者其人必不忠不忠則不孝汝爲

朝廷耳目官當知無不言勿存顧慮方爲盡職也甲子不孝榮光分校順天鄉試丁卯主校浙江鄉試府君甚喜復誨之曰操守吾所信汝汝科名甚易未知場屋之苦彼聚奎堂晨光宵晷中此心有分毫未慊卽上不可對

朝廷下不可對多士汝其勉之嗣是不孝榮光疊奉

差遣如巡城視漕及官刑曹入樞直放外任一一遠稟  
庭訓嗚呼非府君之隨時隨事提撕誨迪則不孝榮光  
早應隕越矣其何能受

國家厚祿以

褒揚先代乎而今而後復誰賴乎嗚呼痛哉歲己巳不  
孝榮光以前查中倉任內失察花戶私出米石鐫職亟  
圖歸養府君以書責之曰汝職司稽查漫無覺察既負  
聖恩於前宜思圖報以贖往愆不許遽歸尋以對品捐  
復員外郎庚午歸省十二月爲府君六十壽辰適生祖

母易太夫人八十二歲十一月生辰先後同堂稱慶府君以不孝榮光報効有階不孝彌光補縣學生不孝綬光等皆能讀書稍覺欣慰遂促不孝榮光赴選壬申不孝榮光補刑部江西司員外郎旋升郎中充軍機章京兩扈春蒐四從秋獮隨

鑾遼瀋讞案雲中每信至府君手諭勉之曰汝能任勞吾心方慰也乙亥二月曾孫高禧生不孝榮光長子尙忠出也刑部堂官以生祖母易太夫人五世同堂奏請得

旨旌表府君捧

頒賜銀絹爲易太夫人壽戊寅易太夫人春秋九十復  
爲上壽府君感激

聖恩得隆孝養精神悅豫倍於尋常十月不孝榮光以  
京察

記名外擢陝西陝安道時曾孫高禧先已在京病殤庚  
辰十二月不孝榮光調任福建鹽法道塗次岐山得易  
太夫人庚辰九月棄養之訃是時府君年已七十矣盡  
哀盡禮一如先大父棄養時不孝榮光急遣親丁回粵



省慰府君諭之曰吾年雖高尙能當大事汝宜速赴新任勿以爲念也道光辛巳四月不孝榮光抵鹽法道任遣次子尙志歸省府君顧而慰之尙志隨同不孝彌光赴本省鄉試未中府君恬然曰汝等父兄科名太易汝等當爲其難者是歲十二月不孝榮光擢福建按察使壬午九月調任浙江時府君母服將闋尙志尙在侍前以迎養請府君不忍遽離廬舍卽促尙志赴浙謂之曰汝父蒙

先帝棄瑕錄用

今上登極隆隆驟遷當敬思

兩朝高厚受

恩愈重報稱愈難也癸未正月尙志抵署述府君諭時  
府君服已闋越月不孝榮光以武林天氣寒燠適中水  
土亦好且由粵至彼不過山郵兩日其餘水程均屬安  
穩復切致不孝彌光等得閒婉懇將以春秋佳日奉安  
輿爲湖山之遊府君終以性耽恬淡不樂跋涉而止嗚  
呼不孝榮光在京廿年服官四省乃於郵程最便之地  
不獲遂一日鼎裊之養覲然位祿其將何以爲人何以

爲子耶嗚呼痛哉是歲九月不孝榮光擢任貴州布政使留署浙藩甲申四月抵黔藩任旋護撫篆乙酉二月回本任竊計黔省去粵遼遠迎養旣不獲遂違侍又十餘年遂寄信與不孝彌光等懇切代稟欲告歸省適府君偶患腹瀉思念不孝榮光欲得一見八月十六日得不孝彌光回信不孝榮光卽於十九日援照京官六年省親之例具呈力求大府奏請開缺給假四月回籍省親摺甫出不孝榮光復奉

恩命護理撫篆謹於謝摺內附片申請十月奉

上諭蘇明阿奏藩司呈請給假省親一摺貴州布政使吳榮光准其開缺賞給假四個月回籍省親欽此又奉軍機大臣

傳諭奉

上諭前因吳榮光請假省親准其開缺回籍降旨將富呢揚阿升補貴州布政使吳榮光現護貴州巡撫富呢揚阿毋庸來京請訓接奉此旨卽將臬司應辦事件交代清楚迅速前赴新任護理貴州巡撫印務以便吳榮光交卸起程將此傳諭知之欽此不孝榮光奉到前

旨卽令長子尙忠侍眷回籍十一月二十五日富君至  
黔受代不孝榮光以二十六日首塗丙戌正月抵家府  
君感激歡慰精神健旺已占勿藥不孝等卽以二月爲  
府君介壽親賓咸集各貽屏障以頌

殊恩不孝榮光謝摺有云七十五歲之老親

生成曲逮一十六年之遠宦定省方償紀

異數也復蒙府君以不孝榮光十餘年來所奉潔已敬  
事除暴慎刑勤恤民隱培養人材之訓責詢厯官所辦  
各事謹悉數以對惟至裁鹽務浮費率商捐設閭省鳳

池書院一事府君曰可惜膏伙尙少而規模尙狹也及不孝榮光重到福建則大府已率屬捐廉將生童膏伙倍增至二百餘名奏請

御書匾額頒賜矣不孝榮光復將入官洲田租息添膏伙二十名籌款於院東拓建致道堂攬輝樓改建佳士軒添橫舍三十餘間去閩日鄉中大老及生徒皆泣送於道今已不及爲府君稟述矣嗚呼痛哉前歲不孝榮光假滿時竊窺府君氣體雖健而春秋已高一喜一懼之心徘徊依戀府君正色謂之曰外官任內向無省親

之假此次父子團聚本屬

曠典况吾未八十家有次丁告養則於例不合告病則  
汝本無病是欺

君也吾精力未衰儘可遲汝四年吾屆八十汝卽循例  
告養庶幾公私兩盡耳不孝榮光謹誌而行八月抵京  
叩謝

天恩蒙

皇上垂詢

臣

父近狀至再至三

問何時到家爾父身體若何飲食若何榮光謹一一陳

奏復

問何時病愈謹奏言

恩旨准假到日臣父感激歡慰當卽病愈實出

皇上鴻慈再造又

問曾官何職謹奏言臣父爲生員食廩餼十餘年嗣以

屢考不中報捐教諭

問曾否出仕謹奏言未經出身

問何不出來當差謹奏言臣父年老行走不便是以未

出



問年紀若十謹奏言臣父現年七十六歲榮光正欲續  
陳

上曰尙未八十年齒正未艾也榮光感激

聖恩泥首叩謝謹識入歸省第三集中越三日除授福建布政使竊念吾父以爲四年可待告養

天語以爲齒正未艾且有尙未八十之

諭敬擬待吾父年屆八十乞

恩歸養孰知榮光到閩藩任未及兩年於本年六月初四日凶訃至嗚呼吾父自信未耄未衰

天恩錫齡至優至渥而吾父竟不獲享常珍之壽非不  
孝榮光等罪大孽重禍及所生何以至此而不孝榮光  
於前歲叩辭膝下遂成永訣摧肝泣血悔已晚矣嗚呼  
痛哉府君稟賦素厚不資藥餌前歲不孝榮光歸省以  
府君病後每交四孟月及分至進人葠一錢精神加倍  
不孝彌光等庭侍近年以來絕鮮疾病今夏五月十二  
日偶感風寒咳嗽進以和解之劑稍愈十三四日起居  
尙能如常十五日晨起痰氣乍喘旣而畧止至十六日  
下午復喘醫者云脈氣甚好至數亦清十七日晨起尙

能摒擋家務旋以七八妹壻家較近命不孝彌光等召之屢趣未至詎屈已刻痰氣上逆隨囑不孝彌光等傳諭不孝榮光以盡心報

國無忘前訓言訖而逝嗚呼痛哉不孝榮光尸位戀祿生不能盡孝養疾不及侍湯藥死不及視含殮不孝彌光等不諳醫藥既不能保衛於未病之先復不能調護於既病之後搶地呼天百身莫贖矣嗚呼痛哉先妣梁太夫人比德儷行克相厥成以見背早不及詳其遺事猶憶五妹擇配時里人某富豪甲於一方屢欲爲其子

請婚梁太夫人曰某多行不義必自斃力却之後其人  
果以事敗其識見明哲大畧如此府君生於乾隆辛未  
年十二月初四日亥時終於道光戊子年五月十七日  
巳時享年七十有八南海廩貢生

勅授修職郎卽用儒學教諭

覃恩誥封中憲大夫陝西陝安道

覃恩晉封通議大夫浙江按察使晉贈通奉大夫福建  
布政使著有澹和堂制義二卷詩鈔二卷配梁夫人順  
德縣乾隆戊辰進士福建羅源縣知縣署邵武府同知

諱翰號戢菴公四女生於乾隆辛未年十一月二十五日丑時終於乾隆壬子年八月十七日未時享年四十二  
有二

勅贈孺人

覃恩誥贈恭人

覃恩誥贈淑人晉贈夫人子十人長不孝榮光嘉慶戊午舉人已未進士福建布政使前護理貴州巡撫貴州布政使福建浙江湖北按察使福建鹽法道陝西陝安道刑部郎中軍機章京掌河南道監察御史巡視天津

漕務嘉慶甲子科順天鄉試同考官丁卯科浙江鄉試  
副考官道光乙酉科貴州武鄉試監臨主考官翰林院  
編修娶新會縣羅氏監生諱我仁六女贈恭人例晉夫  
人繼娶本邑伍氏處士贈修職佐郎候補訓導諱茂猷  
三女封恭人例晉夫人次錫光先府君卒配本邑陳氏  
監生諱振桂四女守節已逾三十年例請

旌表三不孝彌光附貢生候選詹事府主簿娶本邑李  
氏候選布政司經歷諱光炎長女例封孀人均梁太夫  
人出四恩光先府君卒娶本邑區氏監生名俊大五女

五不孝綬光候選從九品娶順德縣廖氏監生諱有科  
四女六不孝垂光聘本邑林氏嘉慶丙辰進士湖北安  
陸府知府前戶部郎中名紹光次女七不孝燦光未聘  
八純光幼殤均庶妣例贈孺人鄧太孺人出九不孝松  
光十不孝盈光俱幼未聘均庶母伍氏出女十八人長  
三五俱先府君卒次殤長適本邑陳族監生諱承熙次  
子倣麟三適本邑梁族諱湖公次子瀛士四適順德縣  
何族歲貢生候選布政司經歷贈昭武都尉候選都司  
諱汝續六子封昭武都尉候選都司星煥五適順德縣

黎族監生名宗衡長子監生敬書六適本邑郭族候選  
按察司照磨諱賢長子候選千總良七適本邑陳族議  
敘同知諱江次子候選布政司理問啓元八適本邑舒  
族增貢生封儒林郎候選布政司經歷諱連五子監生  
成章均梁太夫人出九十四俱先府君十二幼殤九  
適本邑區族候選千總名登鼇長子茂鈞十適鶴山縣  
任族監生諱燕仁次子煥亨十一適本邑何族諱百忍  
三子監生裕明十三適新興縣簡族候選按察司照磨  
諱若雍五子監生彬泰十四適鶴山縣張族授中議大



夫候選道加一級名文謙四子候選詹事府主簿懋修  
十五適本邑伍族候選布政司理問名耀南次子維章  
十六適順德縣馬族監生名槐五子監生耀北十七  
八俱幼未字均鄧太孺人出孫五人長尙忠監生卽用  
通判娶本邑鄧氏嘉慶壬戌進士加道銜雲南普洱府  
知府護理迤南道前臨安府開化府知府貴州大定府  
知府兵部郎中翰林院庶吉士內閣中書名士憲長女  
次尙志監生候選部主事娶湖南溆浦縣嚴氏孝廉方  
正陝西按察使加贈布政使入祀名宦前陝西陝安道

漢中府知府諱如煜長女繼娶江蘇元和縣陳氏嘉慶  
己未進士浙江杭嘉湖道歷署浙江按察使鹽運使前  
陝西延安府知府戶部郎中軍機章京翰林院庶吉士  
名鍾麟次女均不孝榮光出次尙德娶本邑區氏嘉慶  
甲子舉人揀選知縣名應運次女次尙懋次尙慈俱幼  
未聘均不孝彌光出孫女四人一適本邑葉族戶部郎  
中總辦軍需局事名夢龍六子候選詹事府主簿應新  
不孝榮光出一適鶴山縣張族候選布政司理問贈奉  
直大夫部員外郎諱文忠八子貢生日馨不孝彌光出

一恩光出一不孝綬光出俱幼未字會孫一人福源外  
孫二十人外曾孫三人不孝等謹和淚濡墨狀呈當代  
人倫藻鑑倘賜之銘謠傳誌則不孝等世世子孫感且  
不朽孤哀子榮光等泣血稽顙謹狀

宮太保潘芝軒相國師七十壽文

聖天子孝治明察福疇洪延十有八年八風淳樸六律  
陶甄維時我 宮太保相國老夫子握樞機之要操亮  
弼之權心繫社稷化洽垓埏

天子嘉乃元老睠念大賢謂公作恭先作孚先省疊昕  
穆齡躋七艷丹顏而華顛

親灑寶墨先以堂皇之題佐以軒楹之聯又佐以花翎  
之錫冠袞之寵珍異之品琳琅黼芾之全嘉平之月自  
天使命臨甲第而傳宣公奉盈持滿九頓首而益虔縉

紳大老庶司百執盱悅衡怡莫不嘆禮愈隆而公容愈  
淵然曷由知其所以然哉蓋公至性盡誠作忠以孝足  
以孚

帝載而集福萬千也公以大魁貯宰相器

錄館精微史宬深邃典峻謨諧之文雅揄頌揚之祕莫  
不探其根源考其同異固已

講幄資啓沃之醇 冑筵仰師儒之粹矣公置身通顯  
受

睿皇帝特達之知以大考第二人不一二年而身許稷

契位列舉藝造羣材於豫章滇浙陳嘉謨於勅命時幾  
當是時也奏御則無篇不采倚畀則靡事或遺而公顧  
以旦旦賡雲正精華之始盛迢迢愛日爲忠敬之先資  
先聖俯鑒遂許陳私乃趨詩禮之庭乃洗潔馨之匱上  
千秋觥披一品衣春秋導豫麟鳳含飴酌祓華之餘暇  
念苞栩而深思發爲正學之編證以鏡古之詞泉乎趨  
九陛以祝

嘏錫十賚而延釐蓋公歸養十餘年示天下以事父事  
君之準契

聖主以一心一德之期以千里外爲百僚師

三朝養公輔之望萬國待霖雨之施所以盛德大業

隆眷厚福胥於是乎丕之也古大臣喜起謨猷惇庸福  
祉周曰民彝伊曰人紀百行爲本萬化寶始

天子念篤棐之原迓衡之理無如公者是用宅乎首揆  
宜乎一出而總六部再出而平三階霜露應手旋璣在  
懷

祕殿論納綿區變諧道沖用而無際心沕穆以如齋其  
見於事也則攬九敘之成領三館之才合羣策羣力而

善斷統萬事萬理而受裁觀聽並環而不滯華實同采而兼賅元燈一炯珊瑚九開合四海之文難逾盛軌極五嶽之峻不讓纖埃蓋公之可見者在雄詞偉畧其不可知者在調元默運而協氣滋培也方當羣

太平勤識擢衛武威儀元公吐握九野無淹滯之材庶職有中和之樂俾邕喈爲使鳴盡鳳皇漸進用儀飛皆鸞鸞七十家咸謂知人八十艷尙聞開閣棧樸攸宜草木咸若命說則古訓交修君奭則

天壽平格永承慶於繡裳愈延祥於赤舄夫人德隆暢



悅慶叶珩璜禮宗愉婉母範昭彰四玉森其竝秀雙株  
蔚其先芳中祕則萬卷能讀天人則三策孔揚金籙一  
經羔雁十行洵足以頌燕喜而宜邦國歌馮翼而則四  
方榮光以己未榜出公門下閱四十載而能詳仰名臣  
之事業聞夫子之文章謹以蓼蕭之同福烝民之秉彝  
而推原公之所以篤

心簡享眉壽者爲公與夫人同晉一觴其所未備者請  
以俟之大耄期頤之方長也

安徽巡撫懋齋同年六十壽文

國家九寓延釐八埏綏福共球錫命樽俎得臣爲重臣  
者分體國之謀猷保殿邦之福祿魯侯錫嘏召公來旬  
此維翰之祝思樂之詞合泮之小大同此聲江之南北  
同此口宜也然常許受祉伊維繼侯崧嶽作庸爰有顯  
舅自古名德高位有邦保祿非由戚畹卽系胄門從未  
有自炯公忠不階援繫權勢屢摧而不折謗書盈匣而  
不移

聖主勿貳勿疑大臣一心一德康侯五載福履六旬如

我年大人懋齊中丞之懿者也君以乙丑進士入翰林  
掌坊局黼黻應手璇璣在胸人咸謂將以文章受知未  
幾而作郡黔省蓋

聖人封圻重寄保障綏猷悉基之矣歲乙酉榮光在黔  
藩任君守貴陽被置吏案劾去位四民相與攀於途士  
大夫相與嘆於國將弁相與忿於公謂賢太守以廉明  
去以持正不阿去而民何依而文若武何望也越月  
特詔雲貴總督平反其案君復起守銅仁當是時也普  
天率土無不盱眙衡怡咸頌

聖明下燭融乎若月昭乎若日金竺以北玉屏以南如  
赤子之得父母如萬物之被潤暄而君孤忠在

國盛德格

天無所喜愠無所營求耿耿此心上荷

知遇由此敷厯所及德澤所留遠暨西陲近徧南國  
矣哉非

聖主任賢勿貳去邪勿疑而君之亶亶穆穆默孚

簡在其孰能啓爾宇而邦國是有彌爾性而壽考維祺  
哉夫福之軒輊實命不猶官之升沉惟君所造而庸庸

多厚皎皎易汙古有依附取容唯阿固位卽鄧張失譽  
丁胡結交人猶譏之彼萬里懷忠一眚掩德難進易退  
亦何所憾而失一有用之人卽尸一無用之位

國家分職授政任功只有此數中和之樂殷輔之宜不  
能不上仰

聖天子之得人以成郅治大君子之得位而享遐齡也  
榮光別君十有四年矣君復官銅仁以歸里省親不及  
見君觀察蕪湖又以道經其地不及見惟於藩臬甘涼  
以泊遷撫皖水每君拜一官爲

朝廷慶奏一疏爲地方慶爲斯民慶君之勲業在史箴  
德澤在人口原非讐辭躡說所能闡揚惟念君篤棐之  
誠忠藎之性雖榮光仕版尙判雲泥而千里同一心四  
十年如一日而榮光垂垂將老猶及遇

天子任賢大臣許國之盛謹以江漢之對揚晁繹之燕  
喜爲君六十嘏辭異日開府五羊兼圻百粵而榮光拂  
衣歸老接席果緣武公之壽彌高申伯之邦咸喜吉甫  
緝雅奚斯有頌竊願爲君更晉七豔之觴也

某中丞六艷壽序

皇帝御極之二十有四年九寓延禧三靈効祉懷懋思  
黷鏡榮燭和以上應乎

曼壽履端初吉

詔舉六旬慶典而推及於俾予從欲教民胥康消沴洗  
穢屢豐綏萬蓋

聖人共球馭衆地莫要於秦陲而大臣福祿殿邦慶遂  
分乎

泰陞惟文庚武辰之瑞誕汁

貞元斯起己冒卯之祥克膺

敷錫

明良之契喜起之孚吾於某中丞見之矣公擢秀毗陵  
振英斗野家有王喬之舄代傳魯肅之困煥檢鏡於人  
倫太邱車箸儼威儀於朝典萬石門庭手旣奉平楹書  
訓獨深於荻畫補采蘭之什日暖咳南賦芑杞之詩春  
融堂北遂乃間關捧檄安穩迎輿節鼓導和堂餐式化  
日契所入半爲挾纊之資月絹能完悉作大裘之被  
封  
鮮則家承母教  
繻則人喜公來  
龔少卿之視民  
謹非



赤子謝太傅之應辟只爲蒼生固已作衆父而呼儀合  
萬家而字孔矣疆圉旅歲終南告氛狶奔緝道之林螳  
沸嶢關之樹公從容攬轡慷慨卽戎王尊叱馭以行祖  
述著鞭而起浪浪暑雨黑箐尋梁刺刺叢山青天拾路  
每當堅陣朝斫快馬宵馳千巖洗草木之腥萬壑擁風  
雲之氣吉語挾琬戈而走

褒綸偕金翠而來獲醜西巴獻俘

北闕

天子獎其偉伐

詢以嘉猷惟公首陳堅壁清野之謀惟

帝特重禦侮折衝之寄星飛驛路

頒來入告之謨雲護陣圖佐以出奇之策精嚴戎備  
軍儲指揮蛇鳥之營飛挽蠶冕之國飽騰士氣掃三  
省之機氛威振軍聲滌七年之障霧旣而武夫脫劍壯  
士歸耕觀雀噪而倉空聽雁嗷而宅徙籌帷髮白念中  
谷之化離板屋燈青照流民之舖社重以年荒兵後糧  
竭師中泛雍鮮舟發棠無廩公迺移粟於子午之峪代  
工以庚癸之呼竭心力者九旬捐俸金者巨萬遂使人

消反側戶盡熙恬民懷久浹乎臯謨

帝賚獨隆乎甫翰三年陳臬兩度維藩

天子念隴蜀之澄清思鼓鼙之將帥謂周召巡行之地  
需杜羊鎮撫之才樂觀厥成俾專夾輔公霜露應手璇  
璣在胸隨風抗稊因雨灑澤淨庖埃於三月冒嵐霰於  
九冬電一瞿而枯摧雲再蔭而渥洽春犢無佩晨羊不  
欺雉雒田肥鷺鳴絲熟兒童竹馬百二關馳檄之場婦  
子桑蠶三十載憩棠之舍此所謂武以安民仁能壽世  
者歟夫鄧林之蔭藎森百尋所本者厚也葱河之潤滲

漉萬里所流者長也以公早歲枕經秋山悟道點梅花  
而著易聞江水而讀書固已學備閭濂用賅華渭而壯  
猷早振仁聞彌彰敷歷三秦輯和兩陝自作神仙之尉  
迨開旌節之花肩艱鉅者一身被潤澤者萬族用能上  
符

國慶下篤家釐掌中蜚臺省之英膝下種科名之草某  
等久欽衡指親奉轅蹤推

聖世之耆功紀康侯之盛業以

昌期之符會卜上壽之康疆韶光九華階草八葉韋曲

之百花爭笑樊川之萬柳同春勒功劍閣之碑送喜潼  
關之扇合慶疆而介福迓

壽寓而分祺山有臺萊願每歲同

萬年之祝雲融

綸綵佇自

天加一品之衣

蔡生甫先生八十壽序

嘉慶丁巳秋

榮光

應廣州郡童子試時德清生甫先生

以庶常游粵郡伯朱公聘請主校

榮光

未之知也第九

試文將畢有偉然衣冠者至坐號前太息曰汝儘構思

文好仍是第二朱公以汝家巨不與汝第一名也

榮光

詢知爲先生因作而請曰鄉俗第二不利于院試

榮光

以郡邑第二人躋於院試者屢矣請抑之可乎先生微

哂而去閱兩旬榜發

榮光

第四院試補弟子員是歲十

一月謁先生於粵秀書院始知前歲丙辰朱公郡試時

先生已就聘主校閱

榮光

卷欲置第一朱公引嫌抑爲

第二此先生所以有文好仍是第二之說也

榮光

感知

已遂受業于先生之門嗣是而舉孝廉成進士入翰林  
皆先生之教也雖然先生之教我者豈直爲科名哉先  
生之學本於關閩濂洛以朱子爲集諸儒之大成其主  
敬行恕之實用見於所著舉念隨筆一書嘗謂西漢人  
或專精訓詁或各擅詞章東漢一變而爲躬行君子若  
陳仲弓王彥方郭林宗管幼安黃叔度之徒方之孔門  
弟子無多讓直以論說無傳後世講理學者無可稱述

故近世多究許鄭之學先生以爲無關實踐吾儒多闢  
佛老之書先生又以爲不必排擊平居無矯激之行無  
虛假之言如冬日之暄婦孺知愛如春風之煦草木欣

榮

榮光

自通籍以後服官中外三十餘年不忤於時不

失所守者皆先生之教也猶憶官京師時過從先生偶  
值退食脫粟一甌伊蒲兩盃而已及

榮光

陳臬浙省謁

先生第起居內堂子姓環立動有禮法羣書滿屋多誦  
讀聲門外茗水一泓其清如鏡高峯三五排闥送青憊  
然曰先生所以爲先生者殆在是歟先生由翰林爲司



成陟學士掌鴻臚校京兆試入襄禮闈出典河南鄉試  
得士最盛當是時也

聖世亮工思贊在廷諸老無論識與不識首推先生爲  
端人碩士海內之士輻輳門牆而先生守道含冲乞身  
較早自乙亥至今優游鄉里已十三年舍鐘鼎之殊庸

作山林之全福

榮光

於癸未歲先生之夫人七十壽爲

文頌之今道光丁亥臘吉爲先生八十攬揆之辰

榮光

自量移黔南重官閩海計違函丈又將三載矣謹以受  
知之自及所見所聞於先生者臚舉其概郵進一觴其

所未備者請以俟之九十上壽竊自愧於子貢有子之知也

宋母王太夫人九十壽序

聖天子壽宇貞恒福疇錫羨煦光蔭化忭豫黼祥自慶  
典初基衆祉滂洋邁衍愈推愈暨四海之內游攸攸式  
暨暨絳德襲釐以臻上壽而懿祥之錫近在有家善慶  
之由先推種德恭迺

五旬萬壽之歲京兆尹今少司寇悅研先生以其母王  
太夫人春秋八十有六五世同堂上

聞

天子嘉其祥徵被以異數仙園之蘭與

恩綽齊頒內府之珍借

天章疊賜固已

龍光褒德冠古今命婦之榮燕翼臚歡慰臣子顯親之志越四歲癸酉秋八月爲太夫人九十壽辰復蒙特旨於七月二日預舉稱觥之儀自

天先錫以期頤諏日式介乎蕃祉此燁管所罕聞彥紳所未覩也特是朋酒升兕厥始幽風母壽式燕宜歌魯頌伊昔歎機訓善萊畚勗勤斷織流慈折蓂示惠亦足導揚閭教彪炳閨儀他若潘岳奉輿郊圻供其曠覽

頒側帽公卿避其清塵燕賀鸞迴幕銜恩重文軒丹轂  
人號義成然未聞有八座起居九旬頤養曼齡儲祉五  
代開祥

天子詢帷帟之年至三至再大母啓幔亭之宴曰曾曰  
元際

壽考作人之朝爲福祿宜家之總行彰朝野慶溢黨宗  
如我宋母王太夫人者也太夫人著系銅川蘊華珂里  
三吳鍾其清淑七葉絜其簪纓其歸我杏川先生也行  
爲婦式名埒相門齊皐蘭以佩芬采澗繁而襄敬勤不

爲華閼減儉不爲膏境移珍苗之風譽均子姓韋弦之  
訓儼若賓師柏悅芝承首毓三株之瑞瓜綿椒碩早開  
累葉之祥少司寇明弼克家公勤許

國王翁孺之活人千萬實篤家釐雋不疑之多所平反  
咸由母教今夫

國家祥和之氣宣鬯滋漉每獨普乎

壽世亦恆萃于德門故黎民克懷佐

光天而洽

德重臣宣政本福地之詒謀少司寇入佐鳳池出持豸

節甘露遍野止水盟心化雀鼠以淳風燭牢盆於旭日  
以政平爲色笑以歲熟爲旨甘美不勝書善歸有母逮  
臬事甫陳之歲當康侯入

覲之初鵠肅陳情遂蒙

天鑒烏私念養竟答春暉

命以京卿迎養壽母罔伯爰陟都尹游遷南山之雲非  
遙長安之日彌近每當寅班曉暇子舍晨趨

國有甘棠家能潔萼

天子以非此母不生此子有其德宜稱其官遂官司馬

再遷今職少司寇入奉愛日出作甘霖體

帝德之好生專臣謨之淑問黃姚欽謐律定協中赤伏  
約章綱開圖大捧雞竿而作解聽鼉鼓以鑒祥事貴寬  
仁權無枉縱此皆太夫人美心貽福厚德及民成厥勳  
名範茲德器蒸爲戩穀上符

鴻祐慈祥播以蕃釐下協鳳占昌大所由闡矜告瑞開  
雲笈之七籤泰媼振英展金屏之五葉也某等景膺慈  
蔭推闡福基習聞內行之詳敬作迴班之祝欽當年之  
奎畫知



聖世宜有此嘉祥紀此日之彤函爲壽人特書乎上瑞  
從此婺星愈耀

佛日長依綿綽綰之天年晉便蕃之

帝祉佇見婆娑福茂永普聖風肅雨之祥禪善天長迭  
衍鑾定螽誥之慶謹序

劉母趙太夫人七十壽序

大司馬劉公偉輔壯猷翼衡參化嘉德上合懷心旁溯  
自領封畿至總憲部九章鴻亮八風顯宣霜露均恩家  
國咸慶歲二月

天子眷念碩德推原閭教

賜公母趙太夫人壽

福疇旣敷嘏詞可廢謹以太夫人之懿行撫德繼志教  
忠者爲紀事之文太夫人植性詩禮承家鍾郝令儀玉  
播淑問金貞四教成於姆師三黨欽其女範其歸我先

贈公也韋平顯閥盡室鳴珂震賜高閤舉家饌玉譜姑  
恩之曲餽鼎臚歡述祖德之詩經簠流慶人謂名門之  
婦天貽上相之孫生大司馬兩載而贈公捐館舍至是  
箴悅之朝機杼之夕可得而紀矣蓋謂遺體可念能撫  
孤者貞世德宜延能教子者孝太夫人君姑逮養家事  
克傳錡釜有齋卮匱勿怠奉安輿於浙水三竺慈雲拜  
恩檢於澄江九旬愛日其可紀者一也峩峩者懷清之  
臺奕奕者甘泉之館溯貞姬於楚國表義婺於桓宗歲  
月護蘇風霜施卷亦足慰貧家之鐙盃光素里之門閭

太夫人守志膏華勵心冰玉青年荼薺白日松筠而乃  
恒以利貞柔能居下奉八座起居之養旣荷

綸恩閱五旬黽勉之勞復辭旌德節不以綽楔見榮不  
與里巷爭其可紀者又一也今夫折蓂之教蒸譽之所  
資也式穀之貽勛勞之所念也太夫人家承珪組身念  
箕裘撫此眉犁方依懷袖溯

國史千秋之業爲臣門一綫之延納楹之卷親貽隔幔  
之經口授琢磨令範章弦佩而德性成紹述前芬珍苗  
起而事功見儲一品經綸之用作九圍霖雨之資其可

紀者又一也山公日契之頒考叔君羹之賜推恩錫類  
禮所當然况大司馬文章起家謀謨許

國南使吳越北莅幽燕兼攝六階敷厯卅載

天子錫世臣之福邦人頌壽母之祺太夫人以子舍宣  
勤

辰園佇捷陳辭

恩賚請俟吉音已而

太平由庚奄茂開甲果符

天眷丕篤家釐旣克成乎匪躬實能知乎大義其可紀

者又一也夫逮事承志懿行也守節辭旌撝德也訓子  
貽謀繼志也大義匪躬教忠也洪此四德宜介純嘏况  
復

奎題昭筭寶牒便蕃

帝錫遐齡珠印長生之籙

天貽甘節瓊枝如意之花將見璿玉泰和邦家福祿七  
籤雲笈紀千年琅菜之祥三台星樞肇奕代綿瓜之慶  
也謹序

封翁韓旭亭 是升 八十壽序

闕逢奄茂之歲韓桂舫大司寇以其尊人旭亭先生春秋八十陳情歸省

天子推恩耆德錫類重臣

謂作朕股肱非是父莫生是子爲天喉舌勤於國以庇於家

親灑寶題載頒法笈

聖爲天口錫難老以懋耆齡慧是佛身金不壞而臻善果綺段織延年之字瓊枝鐫如意之花

詢子舍之雲遙三千驛路計臣家之日永九十韶光時  
也霄鶴南飛江蟾東燭胥臺九曲支硎一峯人歸光福  
之居天近楞伽之境萬笏羣揖百花皆春請達魚筒用  
康兕爵竊謂翊運謀謨之本首在教忠保家福祿之宜  
端推種德根之固者其實遂也源之裕者其流長也先  
生韞秀吳趨振華斗野言有壇宇學逮津梁養真洽隱  
之園述德雲和之里鶚薦未達鴻羽漸高講皋比之經  
春風遂滿列鄒枚之席夜月能歌彩筆江山安興燕粵  
每當龍潭柘綠羊石棉紅擊壤而詠泰平泛舟而問政



俗忠勲待其彰闡清節資其激揚嶺表仙人睠淳風於  
耒耜瀋陽元老緬佐命於河山千秋經濟之書八卷烟  
霞之筆所謂福星應世而九宇祥和神霧在山而萬家  
沾渥者矣重以嘉日敷聞善門勤誨窮達由天之誠賢  
豪任運之言靖節則有願斯才康成則相勗以道以故  
門才經緯國器璠璣掌中毓命世之英海內粒貽謀之  
穀我大司寇忠勤率訓亮弼承

恩嘉石準其權衡廉車凝其采範爰以臯德出撫粵師  
普化雨於鯨隄掃邪氛於雁戶風雲應手璇璣在胸夕

波不驚恬瀾若鏡展庸而

頒翠羽入觀而

錫彤弓

天子以爲詰我四方先資淑問弼予五教實賴祥刑遂以康侯總茲憲部雙魚安訊丁甯欽恤之詞駟馬高門丙煥平反之訓大司寇歸從日下捧到

天文紀便蕃介壽之

恩述

眷念還朝之語統茲百祿歸美令名先生上承

國恩下篤家祜聽鐘樵啓佛尊禪善之天添籌閣開詩  
老陳芳之福衍箕裘而鳳美並圭組而麟振方將奉八  
座之鼎裊晉三台之鍾釜泛權問桃花之汎福集安瀾  
封章上麥穗之岐春融

泰陞

時

上命大司寇假滿來京  
順道查看黃河春汎及地方情形

九重送喜佇絲綸閣下之榮百爾迴班隨鵷鷺堂前之  
拜是爲序

李母楊太恭人壽序

屠維大荒落之歲

聖天子五旬萬壽湛恩厯鴻協祉曼羨凡厥有家以洎  
士庶莫不懋德錫類臚歡襲釐而甸服之內淀津爲近  
采地之養郡守維尊先是孟陬初吉京兆尹宋君鎔以  
其母五代同堂得拜宮緞文玩之

賜三月初吉適爲天津太守誼園前輩之母楊太恭人  
壽辰同官以某爲太守館後進且與其季同年舉孝廉  
於太恭人爲年家子請爲文以祝伏讀二月

詔曰清白之吏身名俱泰子孫長保至矣哉在官者奉  
聖人之教以展采錯事用能無忝所生保艾爾後以綏  
受

聖人之福某持節津門三閱月矣側聞縉紳之論曰太  
守能讀父書爲名翰林爲賢邑宰舉上考躋膺仕怡怡  
色養可以爲太恭人壽者此其一又聞道路之言曰太  
守性至孝格於神明宰廣宗時治廳事掘地得藥酒太  
恭人飲之髮白復黑可以爲太恭人壽者此其一而吾  
謂均未足以壽太恭人也今夫守土之責莫重於古捧

檄之誼有生所榮而腹民脂以列鼎則嘗者撫心舍民  
瘼而安輿則見者歎樂豈不以色笑之地非組圭所能  
飾祥和之福處澣濯而猶隆今太恭人之教曰知縣爲  
親民官殫心撫字四境實受其賜太守可以安良除暴  
勸學興賢矣散棉衣以卹巡役之寒服疏布以率宗黨  
之儉太守可以平反訟獄馨潔簠簋矣發粟而活千人  
舍貲而賑歉歲太守可以上釐家福下治民愛矣人咸  
謂太守以清白吏爲太恭人榮實太恭人以清白吏之  
母爲太守訓有其德必有其福始於家以達於邦詩曰

令德壽閭又曰魯侯燕喜令妻壽母旣多受祉黃髮兒齒可以爲太恭人壽矣某憶丁歲奉使兩浙登金山絕頂塔慨然南望大江泱泱化日舒長以塔名慈壽默禱於神以我祖母九十歲爲祝某無清名長德爲老人歡亦不敢隳行敗檢以戾我老人訓而我老人克勤儉貽子姓往往在鄉人耳目揆諸文言餘慶之理天或佑之今太恭人能以訓子克其家太守又能以循吏懋其守封鮓之教達乎朝廷憩棠之政式乎僚采嘗語人曰吾今歲納曾孫婦婦而有子則我母及見五代元孫矣某

奉執門才習書聞德敢以祝吾祖母九十歲者爲太恭人祝以京兆宋母五代同堂者爲太恭人祝更以守清白鹿子孫奉

聖人之教以綏受

聖人之福者爲太守祝卽爲太恭人祝方當捧節導和開藩布化貽君子之穀粒遍烝民作萬邦之屏善歸有母弟舅則箴輝並翥子姓則輪輿承華其引延正未艾也不亦綽歟同官僉曰斯言也質而信可以爲太恭人壽矣遂再拜而爲之序



陳母秦太宜人九十壽序

今夫紀金籌於閭苑度索桃開徵絳實於層城安期棗  
熟窗窺朱鳥星妃控月而來輪馭斑龍玉女乘風而至  
綺蔥瓊菜累牘難詳錦瑟珠簧連篇莫罄而神山縹緲  
大都非有之辭璿館嵯峨半屬子虛之賦達人弗尙誼  
士奚矜若乃箴名德象悉書河北之牋篇號女師曾貴  
膠東之紙流芬彤管梁春偕萊畚爭輝紀德苕華郝法  
與鍾型並劭庶足導揚閭教彪炳閨儀然而德福難兼  
嗇豐殊遇顧家之婦但映清心曹氏之姑才過耆秩隔

慢譚經之事能繼書簾循陔戒養之詩未臚

恩檢孰若堂開五代

福錫九旬

天子優養老之文

褒旌日麗疆吏舉引年之典慶悅春長逢

壽考作人之朝爲福祿宜家之總行彰

朝野慶溢里閭爲我年伯母秦太宜人者乎太宜人行  
從嬴綿椒自益紀太守山陽之瑞德種在人傳神仙  
肘後之方福徵難老軒冕著其世胄珩璫範其閨儀湖

文禽誕委之年逮禴翟榮叨之日善難縷指美不勝書  
請試撮其大凡粗得陳其厓畧我年伯馥齋公之壯歲  
也雋裘流慶盡室鳴珂綸組紆華舉家饌玉羣季則封  
胡遏末鵠峙鴻軒諸親則尹姑譚邢蘭貽苙問里著集  
賢之望堂開積慶之家時也非幹材疇任劇繁譬諸大  
邑恐黽勉難期責望况在中閨太宜人則仰佐禮宗俯  
襄家督令輝在室已聞鮑氏之才絳秀于歸遂卜周門  
之大庭前老樹蔥三兩之慈鳩屋後流泉湧一雙之孝  
鯉弋鳬雁而贈佩歡洽姻鄰給藁飫以傳餐譽流賓從

一門輯睦種來交讓之花三黨雍和纁就同功之繭固  
已令德備乎四教淑問揚於六姻矣逮乎劉宏三雅並  
顯於中朝賈彪一門先達者偉節揚鏤月駟分甲乙之  
崇班翊羽天衢有文武之才子我緝軒同年春官拔萃  
上郡烹鮮百里風琴絃歌戶滿三年露冕桴柝家閒觀  
循吏之政成喜蒼生之福洽而且秋風馬熟季子冠軍  
春雨車酣諸孫出宰貽君子之穀粒遍斯民爲  
皇國之楨善歸有母捧十行之

綸綽羅紙金花侍萬石之起居文軒繡轂連珪對祿牽

裾悉是鳳雛戲蠟成丸繞膝無非麟角躬斯會者縱復  
能賢將母器溢之虞詎免趾高之失太宜人則戒歆愈  
惕履滿益謙崔母無時世之粧敬姜述君姑之訓仁心  
爲質美意延年橋題百口之名敬宗收族厦託萬間之  
芘起瘠生枯陌上鷓鴣鳴同婦子周行之筍機前蛩語課  
孫曾一盃之燈教孝卽以作忠習勞歸於思善其婦德  
也如此其母儀也又如此卽使歐家承蓋韋母扶輿頡  
頏陶孟之間伯仲柳歐之後庶乎弗愧允矣無慙宜其  
茂懿傍流蕃釐備介錦峯繡壑四圍皆福德之雲蕙晚

芝田一片悉科名之草以上壽荷

天之寵爲

聖朝倬漢之祥老福婆娑

新恩稠疊豈非閭德之異聞家襁之僅見者乎歲在重  
光觴開九裘時則鮮焮薦爽顥宇澄秋人間之廣樂初  
陳天上之祥星畢見翔朋房杜書丹字以延年懿戚崔  
盧酌靈泉而益壽某旣爲年家之子又知貽燕之孫屬  
部之誼方新帟帷之行能忘幔亭一曲並識曾元玉府  
九層大書歲月所願峯高天姥年年斟斗北之尊還期

笙譜壽人歲歲奏房中之曲是爲序

何母某宜人七十壽序

旃蒙赤奮若之歲同郡某某先生與太宜人春秋七十長君儀部某以嘏詞請竊惟更叟紀於古禮壽母誦於風詩惟德引年習鄉尚齒厥義夙矣然而喬木千仞以全天而愈榮長河九漑以潤物而始貴伊昔明德承家之彥榮名壽世之儒高其跡於在阿厚厥謀以作室積善之慶遂毓門才式穀之貽必推家學以今準古可得而稱且夫種德之基有常而立名之業不一先生準心藏善在物流慈檢鏡範其人倫斧藻標其德性思柔之



養克舉乎陔蘭必恭之義爰聞於里梓至若明鍊庶務  
綜括羣情賑荒歲之糧寒谷朝煦保重門之柝遠柵宵  
嚴每當里老咨籌鄉師捧席決幾則神無忤往處事則  
物稱平施昔陳太邱之衡理息爭張君嗣之恤孤分產  
兼之耆先生也若夫門承通德代有著書式冠冕於臣  
常六世顯氏衍箕裘於祖烈一經傳家先生手故相之  
遺編篤後昆之令緒訓迪肯構慈勗下帷發楹而故澤  
猶存守硯而清芬克述遂使詩禮之學詔乎趨庭文章  
之華出而報國長君某禮官射策祠部襄儀貽以教忠

之言顯宗未墜懋以在公之義先業重光紳笏報乎殊  
榮

綸綽褒其令穀而先生年已杖國矣入石奮之室肅若  
朝儀登樊英之堂懿流闕範太宜人性含蕙穎德協蘋  
馨晨盥告而暢悅虔夕機勤而杼筐舉勉將箱之世守  
豈翳禮宗垂絳幔之名言無慚經訓故乃學成覽舉譽  
炳衡龍或振迹於金門或擢英於壁水綸組之草東海  
藻其離暉箴緇之羽層霄縟其靈采蘭玉茁秀藹軸頤  
年扶杖導和捧輿送喜旣受多祉環顧皆歡列鼎不足

婉其華三珪不足衍其慶蓋義方之懿福履之隆於此  
觀其堅矣某等同官日下寄祝天南習聞坊表之言未  
獲堂前之拜滄海萬里霽月在天泳德滋深述詞彌切  
溯紫水黃雲之畔僅見斯人譜白華朱薄之篇復我邦  
族云耳

封翁羅芥舟 禮綿 七十壽文

爲壽文難爲壽芥舟先生之文尤難蓋先生於文博而精通而辨吾聞之鄉先輩陳琬同給事矣給事之言曰羅君制義於有明王唐歸胡之後獨成一家歲癸卯應京兆試闈中擬三藁頗自矜詡旣又念家貧親老將謀祿仕此文恐世無知者乃就時俗所尙改構三藝文采彪蔚反復沈吟曰可矣榜發報魁其房同人公擬出某房校薦君瞿然曰某寒士也與公卿絕交往朱廷尉名點者清介自矢必能知余已而果出朱廷尉門下昔丁

敬禮云文之佳惡吾自得之後世誰相知定吾文者耶  
如給事言先生能自知其文自辨其文而又能知知先  
生之文者故余於壽先生之文懾喘焉而不敢下筆也  
不但此也先生舉孝廉後文名藉甚某公餌以高第欲  
羅而致之卒不往謁則言先生之所以植節者雖先生  
耄而好學日手一編旁及醫理所著有禮記補正附論  
四書明辨嶺南雜記釋耒軒文藁經篇樓詩草則言先  
生之所以績學者難先生官徐聞縣廣文敦實學懲刁  
訟修七十餘載已廢之學宮興百有餘年旣絕之科甲

復邑中崇祀之廟勘諸生被佔之田報最行取遂築藩  
庫蠹胥斂法大吏稱才則言先生之所以敷政者難先  
生孝于親友于弟湯藥必親籩豆克讓而又敬宗睦族  
歲俸所入告之家廟散及族衆族自七世以下祠宇尙  
缺先生倡衆捐貲立廟於邑之南鎮臺遂使春秋烝嘗  
歲得備舉則言先生之所以克家者難先生起家鬻序  
叔舉進士季登賢書鄉中人有江東三羅之目中麓光  
祿爲先生詰嗣嘗述郵傳庭訓勗以匪懈勉以無家則  
言先生之所以教忠者難今歲仲秋某日爲先生七十

懸弧令誕鄉之人官京師者以余得附先生葭末屬爲  
文以祝余以此數難辭不獲命竊惟先生之文章品節  
報

國教家者執德爲紀循道爲備方且爲緒使方且爲物  
絃方且應衆宜而余以區區之楮墨欲于學無所遺于  
辭無所假是猶析楊皇考以里耳之聲上雜鈞天之奏  
也是猶漢陰人鑿井而人抱甕而出而冀百畦之浸也  
曹子建云文章之難非獨今也余重以違鄉人之請而  
爲其難也余猶恐溷先生之聽而笑其難也爰勉書之

以侑一觴



封翁祁龍山丈七十壽文

國家六典亮章八風和會羣策羣力公望公才靡不上翼

隆平下媿福祿歲癸酉風櫬掃祲雲籥告祥達肺平嘉披元照景

天子念在公勤毖各

賜宮緞有差而竹軒部長以同襄厥事得與

恩賚越月捧一楫而謂某等曰某穎叔之羹歸而娛老曾氏之釜藉以教忠受

恩而勗我冠裳省過而警予夙夜旣又推而進之曰某  
經簾夙奉禮科早登觀政西曹采風南國束矢之誠森  
於棘槐練絲之訓潔於芹藻以茲官履悉稟家言某等  
聞而私心誌之竊謂令德保家之懿象賢之所由稽古  
也嘉猷報國之勤燕譽之所爲詒厥也今夫崑鄧之蔭  
百畝非滲漑不蕤圭璧之享六宗非磨礪不器封公振  
英蓋水蘊秀析城作檢鏡於人倫里名孝義布金輪於  
佛慧山近高平建塾則春巷絃調指囷則秋場耒滿輔  
仁翳賴積善有餘馮奉世之四經野參競爽顏延年之

諸子俊測齊芳述駟馬之高門白雲人少報雙魚之遠  
訊絳帳師嚴手孝廉之筇自怡山廊粒君子之穀已遍  
人寔固已分墅北之烟霞爲陔南之雲雨矣且夫浣旃  
之職莫重於古列鼎之養有生所榮而鵠羽言情王事  
嗟其苞栩烏哺念報臣心畏其簡書徒懷逮祿之鍾罕  
覲導和之節維公家原趙壁地接燕郊

太平之軌胥同長安之

日彌近張酺之遷職一詣都京耿弇之問安皆垂青紫  
桂山月暖依使節以長春桑水花繁迎安輿於隔歲麟

翔鳳翥四圍福德之雲蕙悅蘭欣一片科名之草此又  
門才萋萃善承

天福之敷世德引延更卜家禧之大也歲越柔兆月旅  
孟陬爲公七十懸弧之日謹紀行爲表述德徵釐託猶  
子之簪裾儷壽人之笙磬乃爲之歌曰組兮綬兮堂兮  
構兮惟其有之保爾後兮又歌曰爾孝之移兮爾敬之  
資兮績之熙而福之綏兮吾將溯其源於濩澤之湄兮  
歌畢爰記之以侑一觴

初從弟鳳髦柳塘

編輯

同懷弟彌光樸園

子尙忠春卿

校字

尙志任卿

石雲山人文集卷四終